



Inatsisartunut ilaasortaq Anders Olsen, Siumut
Inatsisartut@Inatsisartut.gl

**Kujataani kiffartuussinissamik isumaqatigiissut pillugu § 37 naapertorlugu
apeqquteqaammut 2025-046-mut akissut**

Dato: 28-05-2025
Sagsnr.: 2025 - 11355
ID. nr.: 97859315

Asasara Anders Olsen

Inatsisartut suleriaasianni § 37 naapertorlugu Kujataani ilaasunik angallassineq pillugu kiffartuussinissamik isumaqatigiissut pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummilla malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1 Nunatta kujataani angallannikkut kiffartuussinissamik
isumaqatigiissuteqarfigineqarsimasup, Disko Linep, umiarsuaarassaa Maliina
Ittuk angallassisalernissaa kiisami qallivoq. Ilumoorpa umiarsuaaraq pineqartoq
Qaqortup Narsarsuullu akornanni kisimi angallassisassasoq, apeqqut
ilanngullugu? a) Taamaasimappat sooruna?**

Akissut: Apeqqutivit akinissaannut Disko Line nassuiaatinneqarpoq. Disko Linep paasissutissiissutigaa, Maliina Ittuk angallassilluni aallartisarnermi ajoraluartumik teknikkikkut ajornartorsiuteqarsimasoq, taamaattumillu massakkut Frederikshavnimiittoq. 2025-mi aggustip aallaqqaataata missaani Kujataani aatsaat ilaasunik angallassisalissasoq massakkut ilimagineqarpoq.

Maliina Ittuk angallavimmi Qaqortoq-Narsaq-Narsarsuaq angallassisassasoq eqqarsaatigineqarpoq. (Danmarkiliarlutik aallartartussanut, Danmarkimiillu tikittartussanut atatillugu marlunngornerit, sisamanngornerillu tamaasa Narsaq-Qaqortoq).

Maliina Ittuk aalajangersimasumik Nanortalimmukartassanngilaq. Ukiut siuliini misilittakkat aallaavigalugit, Maliina Ittuup Nanortalip aamma Qaqortup/Narsap/Narsarsuup akornanni angalasassappat ilaasoqarpallaartartussaanninnera patsisaavoq. Disko Linep paasissutissiissutigaa anori, sila imaluunniit sikoqarnera patsisaallutik Targa Nanortalimmut angallassisinnaanngitsillugu, Maliina Ittuk angallassissutigisinnaatillugu angallassissutigissallugu piareersimajuassallutik.

**Apeqqut 2 Maliina Ittuk Qaqortumiit Nanortalimmut utimullu aamma
angallassisarnissaminik pilersaaruteqarpa?**

Akissut: Disko Linep paasissutissiissutigaa, Maliina Ittuup Qaqortup aamma Nanortalip akornanni aalajangersimasumik angallassisarnissaa massakkut pilersaarutigineqanngitsaq.

**Apequt 3 Maliina Ittuk nunaqarfinnut, soorlu kujaterpiaanut Narsarmijinut
aammalu Aappilattumut angallassisarnissaminut pilersaaruteqarpa?**


Akissut: Disko Linep paasissutissiissutigaa, Maliina Ittuk nunaqarfinnut taakkununga
talissinnaasassanngimmat, taakkununga nunaqarfiliartarnissaa
pilersaarutigineqanngitsoq.

Naggataatigut erseqqissaatigissavara, Qaqortumi mittarfissap ammarnissaata
malitsigisaanik Kujataani ilaasunik angallassineq pillugu kiffartuussinissamik
isumaqatigiissutit nutarterneqarnissaat siunnerfigalugu suliaq aallartisarneqarmat.

Siunnersuut politikikkut oqaluuserisassanngorlugu piaartumik saqqummiunneqassaaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede